



平陽府志卷之二十七

仙釋

徂徠有言天下必無者三無僊無佛無黃金術有僊則秦皇得之矣有佛則梁武得之矣有黃金術則漢武得之矣斯理甚明愚者溺焉鍊汞合炁面壁證空未易以口舌爭也爰採前代以來遊方之外凡繫乎郡者彙爲一帙其說愈竒其事愈誕姑射綽約本屬寓言置不足辨爲問果老以下今有視息人間者乎趺寂尸解同歸一處還丹餌石適速之亡吁可鑒已作僊釋志

陶唐藐姑射山神人

臨汾人南華經曰藐姑射之山有神人焉肌膚若冰雪綽約似處子不殮

五谷吸風飲露乘雲氣御飛龍而遊于四海之外大浸稽天而不溺大旱金石流土山焦而不熱堯往見之窅然喪其天下

倥傯 臨汾人采藥父也好食松實體毛數寸能飛行逐走馬以松子遺堯堯不服時受服者皆三百歲

周馬丹

晉狄人文侯時為大夫獻公時為幕正公滅狄殺恭太子丹去至趙宣子時乘安車人晉都靈公欲

仕之逼不以禮有迅風發丹入迴風中而去詳見列僊傳

關尹喜

解人函谷關尹善內學嘗服精華隱德修行老子西遊喜見函關紫氣預知真人當過物色而

遮之果得老子遂自執弟子禮以事焉老子為著道德五千言而授之後老子期以西蜀青羊之肆既至俱白日飛昇著書九篇曰關尹子

介之推

姓王名光晉人也見劉向列仙傳他書謂光實未焚死有人見其賣扇海上後不知所之

韓君丈人

名終又名眾臨晉人善幻養不服食年百歲其行如飛匿迹五老山阿不知所終按王子

年拾遺記閼河之北有紫桂成林其實如棗羣仙餌焉故韓終采藥詩云閼河之桂實大如棗得而食之後天而老抱朴子云韓終服菖蒲十三年身生白毛日視書數萬言皆誦之冬袒不寒按韓終詩載于古逸當是周秦間人舊志編入唐非也

漢河上公

曲沃縣姓名不傳結茆庵於河上賣藥人因稱河上公文帝慕其人親往見之公忽駕茆庵騰

空而去帝在下望空而拜焉後公隱八寶山中註老子道德經帝懇求得見遂以道德經授之今縣東北二十里河上村有文帝廟

王喬

芮城王村曲人有神術明宗時以尚書郎出為葉令漢法畿內長吏節朔還朝帝惟其數而不見車

騎密令太史伺之言其至輒有雙鳧從東南飛來於是
候鳧至舉網張之得雙鳧焉詔上方診視則四年中所
賜尚書官屬履也又每當朝時葉門下鼓不擊自鳴聞
于京師後天下玉棺於堂前喬曰此天帝招我耶乃沐
浴服飾寢其中塋於東城自成墳百姓乃爲立廟號葉
君祠又見蒲州

趙昉 臨晉人天師張道陵弟子有仙術後飛昇今永泉
里趙昉村其遺名也旁有昇仙洞存焉

孫博 河東人讀書善屬文晚學道能使草木皆有火光
照耀數十里行大水中身不沾濡人有疾博指之
言愈卽愈出入山間石壁如有穴者後入林慮山合神
丹仙去

張鐵脚 聞喜人漢末游寓本縣善服氣冬不爐夏不扇
且一足能立者數日故人稱爲鐵脚先生邑人
爲之立長春觀

三國焦先 字孝然河東大陽人年一百七十常煮白石如
羊而食日伐薪施人不交一語及魏篡位後結

庵河湄太守董經往視之亦不與語後野火燒庵先危
坐衣不焦灼大雪庵倒居人恐已死乃拆庵索之見先
熟睡於雪下顏色如醉乃知其異有欲從學者先曰我
無道也後二百餘年忽老忽少乃與人別去魏書云自
羲皇以來一人而已著有祝嘏歌見藝文

晉石鐘真人

芮城石湖村人姓陳氏行三隱于北山石室
中其室頂懸一石狀如鐘故曰石鐘真人真

人頓絕塵慮一日有蟾負芝草來止石上真人視之曰
我聞得食芝草卽可輕舉然有損于蟾吾不忍爲其後
蟾復置芝草于地遂取而食之蟾竟去不復至又有野
鹿入洞同宿及真人來京鹿負行李隨之一夕夢神人
告曰仙籍有汝名字又贈汝符職當行雨此鹿卽龍也
今大旱張榜禱雨爾其收榜旣覺驚異收榜入淨室中
焚香默禱俄而雲布遠近雨皆霑足官屬來謝則真人
已與鹿冉冉上昇衆極目不見矣

羅玉峯

夏縣人爲瑤臺觀開山師世傳其得道爲之立
祠有碑記其詳

隋裴謙

聞喜人大業中入白鹿山採煉十數年與王敬伯為友敬伯曰仙海無涯盍歸乎謙曰吾夢醒者不

復抵迷敬伯遂遊京洛貞觀初拜叅軍遷大理評事賜

緋奉使淮南舟次高郵一老人篋笠鼓棹而過敬伯視

之乃謙也維舟握手延坐曰兄所須當以奉給謙笑曰

魚鳥各適何矜炫為吾市藥廣陵青園橋東數里櫻桃

園北車門郎吾宅也敬伯至廣陵間出訪之果有車門

漸進愈佳青衣傳命謙衣冠揖入棟宇器物悉非人世

所觀日暮促席燃九光燈光華滿座女樂數十人皆絕

色謙又顧黃頭曰王評事吾山中友別近十年宜遠致

麗姝黃頭唯唯旋引一姬自西階上敬伯視之似其妻

趙氏趙氏亦熟目敬伯駭異之一青衣以玳瑁箏授趙

氏乃趙氏素善者敬伯取坐間殷色李投之趙氏顧敬

伯潛繫衣帶間將曙謙召黃頭曰送趙夫人回乃謂敬

伯曰使君宿此得無驚郡伯乎且就館閒時再來敬伯

去五日將還復詣之則一荒涼地也惆悵而行及京奏

事畢抵第趙氏怒曰女子誠陋奈何致以悅人朱李尚

在也敬伯始悟謙得仙矣

唐韓仙君

洪洞人龍朔元年在蜀村山中煉丹丹成化為白鶴飛去今村中有廟廟後丹竈遺址尚存

張果

隱中條山往來汾晉間世傳數百歲嘗騎一白驢日行數萬里休則疊之如紙置中箱中乘則以水

喫之復成驢唐太宗高宗徵之不起武后召之伴死於

妬女廟前玄宗時復居恒州山中使通事舍人裴悟往

召之輒氣絕仆久乃蘇悟不敢逼馳白狀帝更遣中書

舍人徐嶠齋醮書邀禮乃至東都舍集賢院肩輿入宮

帝問治道神仙事語秘不傳果善息氣能累月不食飲

酒至數斗不醉果嘗云我生堯丙子歲位侍中然其容

貌若六七十時有郭和璞者知人壽夭師夜光者善視

鬼帝命和璞推果死生懵然莫知其端帝詔果密坐使

夜光視之不見帝謂高力士曰吾聞飲堊而無苦者奇

士也時天寒因取以飲果果三進頽然曰非佳酒也乃

寢頃視齒皆焦縮顧左右取鐵如意擊墮之藏帶中更

出藥傳其斷良久齒已生粲然駢潔帝神異之欲以玉

真公主降果未言也果忽謂秘書少監王廻質太常少

卿蕭華曰諺謂娶婦得公主平地入公府可畏也二人

怪語不倫俄有使傳詔曰玉真公主欲降先生果哭固不奉詔有詔圖形集賢院懇辭還山未幾卒或言尸解帝為立棲霞觀今中條山五老峯有張果洞石上驢跡宛然相傳為異見列僊傳

閻案 籍未詳貞觀十四年為河東太守避亂不仕隱中條山羅通微負薪事之十九年拜吉州刺史通微

與俱後表請入道賜名遺榮隸桃源觀朝端盛賦詩以贈之戎昱詩廬陵太守近墮官月帔初朝五帝壇今王

官谷上方有閻使君宅 按案辭榮入道亦似賀監然以幻養之術度人則真道家者流矣

羅通微 臨晉人貞觀時其母趙氏姪通微有雙鶴翼行既生骨相嶮崩稍長入山樵薪遇閻使君案授

以幻養之術遂冠褐于五老峯之遊仙觀學步虛絕粒今太乙峯南有步虛坪相傳是其處後使君出牧吉州

召通微及境有雙鶴樂聲自玉笥山來迎既就館一夕月色皎然忽騰空吟嘯而去使君表其事詔吉州立真人堂尋改降生之羅村為蓮臺村

薛季昌

河東人遇司馬承禎於南嶽授以玉洞經錄故高真屢降其室玄宗召入禁掖延問道德乃談

及精微上喜之思寵優異尋還山上贈以詩曰洞房修真客條陽念舊居將成金闕要願奉玉清書雲路三天

近松墟萬籟虛猶宜傳秘訣來往候仙輿昱日丹成忽曰祝融峰今夕有天真之會予被召當往遂凌虛而去

張惠明 趙城人結廬中條山遇混元子授以道術學行超羣代宗詔入便殿致醮有感封妙濟大師尋

至西岳尸解焉

裴航

聞喜人長慶中遊鄂渚備舟還都同載樊夫人者國色也航賂其侍兒投以詩樊答曰一飲瓊漿百

感生玄霜搗盡見雲英藍橋便是神仙宅何必崎嶇上玉清航後過藍橋驛渴而求漿于茅舍老嫗呼雲英

捧一甌飲之且曰欲娶此女須得玉杵臼方可航求得之納于嫗遂成夫婦入玉峯餌絳雪瑤英之丹仙去

呂巖

字洞賓號純陽子蒲州永樂鎮人侍郎渭之孫海州刺史讓之子母就蓐聞異香見白鶴入帳中生

有異表日記萬言會昌中舉進士不第咸通中始進士
第遇鍾離子十試而後傳以金丹秘訣遨遊湘潭岳鄂
及吳越汴淮間出入隱顯人莫之測每有題咏稱回道
人金大定三年過故里留詩城隍廟壁云余自金鑿謁
帝回首陽鄉國暫歸來羣迷不識吾家趣何日重尋閩
苑媒鑄石公祠所著詩詞歌訣數萬言名渾集行於世
今中條玉倚山純陽洞是其修真處

侯道華

芮城侯村人生而如愚默悟道真居中條山道
靜院師事院主周悟仙俾執賤役儕輩輕之暇
則採藥草煉五粒松栢子及根葉吞之人莫識其術一
旦暴疾如中惡毒久而乃甦惡聞鹽米之氣好作詩歌
獨吟朗咏有一羽客並一童子忽至廬中曰吾居匪遙
聞君至道故相訪耳君已仙籍有名及期來迎言訖而
去歲餘復遇之令改姓名為李內芝繫名上清宮院中
鄧天尊殿前林松暗翳道華啓師砍去繁枝范陽盧穎
自蒲幕來遊見而朴責之乃詣道士姚黃中請筮姚飲
以卮酒中途遇一老人偕行忽覺喉癢老人折桑枝攪

其喉吐蟲約三升頭黑身自長寸餘行數里喉又癢老
人曰取澗流而漱復出蟲三升遂巡失老人次早師令
下山刈麥三十餘畝不終日而盡擔負積院沐浴而臥
夜半烈風雷雨折樹驚人及曉其戶尚閉衆開而覓之
不知所往几下有焚書遺燼天尊殿西一松高六丈上
有爐香烟火未絕所報雙屐在地其冠帔繫結松稍不
可得而取之道華時年三十四歲乃于縣西北約二里
卽其降生之地築臺刻石焉咸通三年芮令高立暮樞
降生臺記詳藝文 攷蒲州舊志亦載道華以昇仙處
在州境但其說不同今並錄之侯道華泊於永樂觀能
升高葺危屋居常執賤役暇則手不釋卷一日殿梁出
光相傳開元中劉天師丹成試犬死藏之梁間忽風雨
損殿道華登葺得小金盒有丹吞之偶入市醉歸乃著
履上觀前偃蓋松悉砍其枝衆止之不可曰他日礙我
上升縣官至衆白之因而責辱後七日松上有雲鶴音
樂之異道華忽升松頂衆始驚惶縣官亦來謝過道華
揮手揖謝而去後人採其松作殿梁至今足跡尚存相
傳為異事云詳見列儻傳 按列儻傳固不如降生臺

記之為確據也

景成先生

材器清奇早契大道隱居臨汾之姑射洞功成升翥遺蛻卧於石上至今如生每季春望日闔境士庶攀巖陟險雲聚霧集遐覽靈蹤拜謁者不啻萬數焉

王刁

河津人隱居龍門得道

侯神仙

臨晉縣虞鄉人從師道清觀資性篤實人稱為慈子師令汲水與一異童每遊戲常被師笞侯以實告師尾視無所見責愈甚又告師遠視廉得其實師授以鐵針紅線令簪童頂間如命童痛歸入葡萄架下踪跡掘地獲人參如童大師烹于釜中下山訪友侯聞異香滿屋竊食之至盡棄餘汁于犬師歸恐責急趨西南崖步跡長五六尺許至今猶存師召廻問所餘曰飼犬矣師欲宰犬求汁以自益侯與犬竟飛去

萬蓬頭

久在蒲州居止無定鍊精服氣深得導引之術年踰百歲步履如飛臨逝先數日囑鄉人門

曰吾將歸矣至日沐浴端坐而化今有萬蓬頭洞在大

澗里侯家莊東溝內張文毅塑其化身

常醜女

蒲州人常志女生而貌陋嘗患風狂身有瘡疥屢醫弗瘳及笄無媒幼聘問者一日出外以裳蒙其首居人畏其裸而避之浴於池出則體變如玉身不着地冉冉騰空而去

後唐洪涯子

神山任張里名居敬年四十辭家入山訪求至道遇山神引見景成子得姑射洞為養真

之異境居焉能變化得藤葛橘咄术雪諸精為侍衛出入神異明宗知之詔對稱旨賜爵祿不受辭歸積行累功進德增善諸靈懾伏道滿日假葦衣冠脫然而去宋熙寧九年范諡撰碑記

宋丘長春

隰州人宋建隆間隱祈真觀一日空中仙鶴緣繞駕雲而昇留詩曰生處朝暮事一般幻池出沒水常閒暉光顯處躍鳥兔互景開時納海山揮斥八紘如咫尺吹嘘萬有似機關狂詞落筆成塵垢寄在時人妄聽聞

張伯端 天台人翼城縣紫陽宮其修煉地也按列仙傳宋神宗熙寧二年伯端游蜀遇劉海蟾授以金

液還丹之訣乃改名用成字平叔號紫陽山人英宗治平中隨龍圖陸公寓桂林後轉徙秦隴久之訪扶風馬處厚于河東著悟真篇授處厚曰平生所學盡在是矣願公流布此書當有因文而會意者元豐五年夏尸解而去住世凡九十九歲弟子用火燒化得所謂耀金姿者千百粒大如芡實色皆緝碧後七年劉奉真遇紫陽于王屋山留詩而去紫陽嘗謂已與黃勉中雜揚于先生皆紫薇星號九皇真人因誤校勘劫運籍遂謫人間今紫薇垣光耀可見者六星而已

無名老人

襄陵人姓陶農家子其母賈氏夢青衣童捧金盤獻一果如瓜半紅半黃言上仙賜汝無名果也因孕十二月而生性沉靜寡欲舉動與羣兒異常隨丹陽馬祖師過關服勤三年馬曰此非干汝事汝自修行去于是浩然長往隨方乞化凡七年忽覺體輕步履一日讀太上西昇經豁然有省謂同行曰我今還

鄉去也年前有韶州王氏請住菴我已許往已而王氏果至即索湯沐畢振衣留辭奄然而逝年八十有六平生所著詩皆仙家事語語見道非食煙火人所及也

皇甫靖

臨汾人母武氏夢陟異境一神人以桃授之武長見隣兒歿者喟然嘆息遂有方外志嘗往古耿將及高壩借行者竊物遁去畧不介懷淹旬詣同州再遇于途靖絕口不道前事同過馮翊至長安猶與居一日持靖匣中藏適酒家令人招靖及往見其劇飲酣暢婢媚列左右靖俛首一酌先歸日暮客還宿聲渴于靖且使汲水為取之客笑曰小子氣和亦可教也下榻披戶而出久不還靖疑之束媪往迹無所覩矣客舍杜門如故還視簾下有黃金焉正酬所失歎惋久之道出商山愛其聳秀一虎突出靖亟趨避忽見茅舍中坐幅巾老人曰是何少年倉卒如此對以虎逐狀曰已去矣延坐慰藉問疇日長安事曰彼遺金可償所失乎靖再拜稽首留之百日諭蒙解蔽不一而足因知為郭先生先生忽

平陽府志 卷之二十七
語靖曰吾候子久矣翌日歸真子可辨吾後事仍出款
書各題所與者俾之傳達乃孫長老劉真人郭師曹先
生也黎明靈化靖如所屬訖事出山先詣江州訪孫長
老見之留數日遂適嵩山謁劉真人既達林麓忽有人
呼曰來何暮耶靖前揖之真人導靖示以神用觸石如
入虛遊空如履地變化莫知紀極靖告還又往廬山謁
郭師赴都侯曹先生逮見二公達書而返嘗渡大江風
浪架空靖伏劍禹步波濤頓息未踰時而舟行數百里
過鞏州河失故道沒民田數百頃靖爲書符丙夜投之
河遠近聞兵甲聲詰旦河復舊流蜀人畏鬼靖遊興元
逢寒食俱以灰界地立旗幟咸云祭鬼犯者禍立至靖
拔幟藉之儼然安坐人皆悚異圖形供養歸平陽霍邑
令籍官庫金銀赴府旣緘封失之大索盜者牽染百人
未能得情令請于靖愀然曰百人之間豈無冤濫耶乃
謂隸曰汝固已得真偷矣比至縣果見狂夫走廳事自
言盜狀物亦全獲其顯驗異迹類如此政和八年走三
山寶籙壇前得三洞真篇暨法衣一襲而歸曰吾夙志
酬矣數日而逝詳毛安節所立傳見藝文

朔髻頭

夏縣如意里絕戶朔德之遠祖也在宋世於邑
北五十里與聞喜接壤處大溝上架木橋後出

遊方外至明正德間有髻頭道人來至橋邊自稱姓朔
指其宅墓故址且言村巷某處舊有碓曰今胡不見鄉
人掘二尺許得之人皆驚居數月傭與張鸞種田忽不
見又里中三人商旅陝西經過一山見石巖有洞內一
羽流呼三人姓字手引入洞以鄉里稱之款留以飲食
辭出洞外人言已越三日矣回顧不見其處
張志朴 稷山縣人煉形苦性衲衣露膝行丐汾晉間脅
不占席者三十餘年雖寒暑不怠一鉢之外餘
無所奉城北創建洞神宮賜號淳德大師元至元十四
年羽化

曹仙媪

大寧縣宋人於金時至馬關關黃河之西岸携
一幼女隨一犬手曳鐵杖鐵履息大柳之下招

水工求渡自云從天根頭來工以水漲拒弗渡仙媪微
笑同女犬步水面徑達東岸登石龕中時羣犬隨吠居
民大駭往視之媪與女犬俱入寂矣因塑像祀之媪最
靈邑人供香火祝男女者歲不絕有元人郝季隆碑

南宋王道源

太平賈岡人善易學南渡時避金兵隱于西山之麓淳熙五年遇異人杖鑿而化後人即其地為清廉洞歲旱禱雨輒應

李實

安邑人小字三十因守池失盜出家修行後寒暑不侵談笑若狂每日上市見之者輒得利人圖其像以為利市神金大定二十年奉世宗詔賜方外衣不受朝退失履而去自燕京至本縣二千餘里不二日已還尋仙去

呂道章

垣曲小趙村人金大定間為縣吏夜夢神告以修養術寤即避居洪慶觀修養數年治疾有奇驗尋重修本觀市材管州山放筏遠近不一道章身董之既訖解袍置黃河水面坐其上順流而去莫知所終

郭元長

趙城人生而聰慧淡寂七歲出家禮道士郭貞常為師常為早禱雨奉勅主醮無不獲應泰和七年充提點太極授元靜大師賜紫服圭璋壽七十有二自知其終里人立祠祀之

何南卿

字東夫本蜀閬城挹秀坊御史之裔博極羣書精義理之學值亂俘于北金大定丁酉設貢舉于平陽遂中選因得免俘然其志亦無意于仕進往來汾晉間從黃冠師披雲宋公賜名志淵號清真子授以講衍之職披雲卒朝命提點永樂純陽宮賜紫衣號淵靖大師至大辛亥卜居芮城中條山水谷創樂全觀而老焉年九十一耳目聰明能書細字無疾而卒墓水谷之南數里弟子雲集為起塚立石焉所著有南華經註十三卷水谷代腹七卷今皆散失惟各祠廟及民間所免作石刻數十篇存書前進士何南卿或書志淵者就事言也

王哨腿

小字醜人安邑人幼好道生平未讀書亦無師授善作詩鄉人異之後過河南鄧州郟城鄆陵等處其詩詞走筆如神禮部尚書趙國臣并中州高士以師事之述懷詩曰天高三二指地厚一魚鱗東海一勺水西華一捻塵擺手乾坤窄睜眸日月昏擡頭天外覷無我這般人間字詩曰間間林下山間常袖手且開

顏客不迎送交無往還饑食松栢子渴飲澗溪泉榻上坐邀明月窻前卧看青山落魄一生真是樂逍遙萬事不相關吟畫角詩曰調高風緊正凄凄百尺樓頭帶月吹丹穴夜寒孤鳳叫碧潭秋靜老龍悲天涯客子初聞處塞上將軍乍聽時便是鍊人生鍊膽定應聞此淚雙垂

仙姑馬守明

永和上桑里民家之女其母夜夢駕鶴王童自空降於庭曰暫寄汝腹覺而有娠生

時彩霧滿室異香聞諸隣里幼而敏惠長有仙姿及笄不事女工澹泊自若或問其故曰繁華非我志也豈效世之處子乎既而父母俱喪堅貞自守不以俗務經心遂謁其泉女冠張妙清為師居三載丙申適絳州舍於李氏之家越明年上元日無疾枕肱而逝氣微而容不變三日復甦語人曰予暫遊紫府再會羣真自此不復穀食但果蔬飲水而已日夜靜坐能知未來吉凶語罔不驗有災疾求醫者不假砭藥呵禁頓愈歲遭旱蝗設壇密祝三日雨降蝗滅時丁歉歲化導富室設食當途以賑饑者一日相三林南社庄地之形勢東連絳陽西

接高崗北倚姑射南瞰汾流可以棲真養氣作菟裘終焉於是士庶咸樂襄事所建廟觀殿閣星分碁布靡不畢具歷七八載厥功告成復有四方慕德者施建庵舍十餘所至元戊寅二月望日沐浴更衣大集徒衆曰內外行各皆勉旃予有先師之約不可違期遂留一絕云七朶金蓮數暫來人世間闕功今補足紫府却歸還筆落端坐而逝時年六十有四

劉欽水

安邑人居西紐延祥觀得神仙服水法脫身飛昇口吐金蟬化去

烟霞真人

汾西縣僧幼好善及長遂棄妻子隱姑射山園仙洞中修煉五十餘載癸丑歲端午日忽

辭衆曰今羣仙約赴蟠桃吾當去矣言訖整衣坐化元大德間賜號真人此釋也而其事皆道家之事故列于道焉

丁善淵

字湛然垣曲人幼聰敏通經術為鄉里所重年十六父命為道士居洪慶觀德望隆重朝廷賜

以紫衣通玄之號尋受法籙呵禁厲鬼有顯應真祐末
河東兵亂紀邦瑞鎮葛伯城殘忍好殺善淵諷諭全活
者甚衆年五十八一旦升几而坐朗朗飛昇門徒奉遺
衣葬於觀北

劉志淵 字海南萬泉李其鄉人其未生時牡丹先開人
皆異之及誕育紅光滿室迨爲兒童不作嬉戲
事親至孝識者稱爲今之曾子夙慕仙道自號玄冲子
後遇長春真人於棲遊庵值金亂淵避兵於綿山雖萬
騎蹂踐獨不懼於害壽七十有九

王予可

吉州人字南雲父本軍校南雲亦隸籍年三十
大病後忽發狂能揮筆作詩文及說世外恍惚
事南渡後居上蔡遇文士則稱大成將軍於佛前則諦
摩龍什於道則騁天玄俊於貴游則威錦堂主人爲人
軀幹雄偉貌亦奇古戴青葛巾項後垂雙帶若牛耳一
金鏤鏤在頂額之間兩頰以青涅之指爲翠靨衣長不
能掩脛故時人有哨腿王之目落魄嗜酒每入城市人
爭以酒食遺夜宿土室中人問其故其應如響其所引

書皆世所無有人與之紙落筆數百言或詩或文多六
經中語及韻學古文奇字壬辰亂爲順天將領軍所得
館于州之瑞雲觀南雲明日見將領自言我不能住君
家觀也越三日病卒後復有見之于淮上者

元酈希誠

襄陵縣萬聖觀道士生而骨法高古丰神迥異
見者莫不肅畏年十五決意入道自金季道士
劉德仁以苦節危行爲要不妄取于人不苟侈于已五
傳而至希誠居燕城天寶宮見知憲宗始名其教曰真
大道授希誠太玄真人領教事內出冠服以賜仍給紫
衣三十襲賜其從者至元五年世祖命其徒孫德福統
轄諸路真大道錫銅章二十年改賜銀印今有碑劉賡
撰記

姜善信

趙城人生而異衆資稟恬默嘗禮蓮峯真人靳
道元爲師旣而隱居碧雲洞十餘年塊坐一龕
心如止水統間世祖南侵駐師驛亭召善信問行師
事特陳仁義之舉後屢聘言人事多中嘗過龍門見禹
廟東向鑿山修之改爲南向順帝詔問禹所行之道引
大禹謨以對又奏修堯廟告順帝當法堯舜順帝賜銀

二百錠官材二萬根為修廟之資善信不受但募化修完年七十八而逝其夜有青虹貫斗之祥順帝追封靖應真人勅李槃撰道行碑按中統乃世祖初立年號時與金人交兵善信蒙召當在學道有成之後年僅七十八安能至順帝時尚在耶故趙城志並未言修廟事或至正時修廟者另有一姜道士亦未可知

毛道真 夏縣人元至元間修養于瑤臺山既卒門人立祠塑像祀焉後數年自河南募緣得物覓小車數輛載之抵夏縣數里渡河濕其隻履託以且炊先行及挽車人至詢之則死已久矣一觀大驚瞻視祠像隻履尚濕人意其尸解持假是以顯神化耳

李純夫

燕山人弱冠登進士不樂仕進棄官為黃冠雲遊卜隱王官谷構了了菴於貽溪之上菴後建白雲洞自號孤雲子有秦無隅者純夫高弟子也無隅弟子有古村之關希哲太平之李道微皆以道行著聞純夫大德二年卒年五十八舊志謂唐時人立宗召之不起大謨

張志清

酈希誠三傳弟子也事親孝尤耐辛苦制行堅峻東海珠牢山舊多虎志清往結茅居之虎皆避徙然頗為人害志清曰吾奪其所也遂去之後居臨汾地大震城郭邑屋摧壓死者不可勝計獨志清所居裂為二無少損焉乃徧巡木石間聽呻吟聲救活者甚眾朝廷重其名給驛致之掌教事志清舍傳徒步至京師深居簡出人或不知識其面貴人達官來見率告病伏卧內不起至于道德縉紳先生則納屣杖屨不以為難時人高其風畫為圖以相傳真大道之教至志清而益盛授演教大宗師疑神冲妙互應真人出元史

董鐵驢

萬泉小淮村人身通遁術行步如飛倏然數百里人不之見俗傳其家造飯飯熟乏鹽直往解池取鹽往返二百里片刻即迴又節屆元宵其叔某以本地燈無奇可觀者密與驢議欲翫燕京鰲山驢令其叔閉目附已背而行憑虛御風不崇朝而鰲山在望烟花萬種遊人稠雜其叔貪玩間忽失所在驢遍覓無踪及至年餘叔始乞食歸家種種異事不能殫述後以尸解仙去墓在本庄東嶺

李大方

汾西人父均以醫為業母管氏妊十二月夢神人捧日照室而生長學道日記千言積力既久

遂窮宗旨六經百氏莫不淹貫道風藹然召賜號休元

大師奉勅主醮精誠感通有百鶴下臨之祥尋加通玄

大師平陽歲旱請禱雨即大澍復加號龍岡真人墓在

城西一里

皮裘先生

洪洞人修真玉峯冬夏服一皮裘雲遊至金陵巨室有太湖石募之墜之於井後歸玉峯

井中拔出前石人異之有病者拔毛與之即愈後不知所往

皇志祐

稷山人年四十餘投龍翔觀梁老先生受度閉關三年建九陽洞於馬橋村雲溪庵於下文村

預知化期七十三歲端坐而逝即葬於庵堂之內明初地震崖崩墓見中塑一真人二仙卿侍立次四弟子相向坐有誌銘下文村即丈八也

女冠王教山

舊籍關中遇焦處士旋棄家攜子息學道遍歷名山習服氣鍊形之訣所在薦紳貴

遊多有恭請最後寓蒲且久年登耆耄黥髮丹顏無疾奄逝有解發傳行於世

景素陽

襄陵人師事梁古賓居阜山道院元末兵亂鄉人匿山中惟素陽侍師不去兵至求財不得將

殺古賓素陽曰師老矣願以身代兵即回刃砍之刃忽折為三兵皆驚異羅拜而去

明張三丰

平陽人一云猗氏人有仙骨修髯如戟膚如水雪曾路遇一少年美姝自稱麻姑教以服四味

龍芽後遊武當山登祝融峯嚼梅花滿口朗誦南華秋水篇觀潮上日出大呌曰雲海盪吾心胷明太祖咨以時務曰唯本忠孝後成祖遣胡濙物色之終莫能得

房居士

臨晉人名景圓號睡松子少精書篆主有司案牘偶被上官責督喟然歎曰人生如朝露何自

苦辱如此遂棄家入中條山修道閉關十一年糧絕出山止宿邑之俞鄉村扁鵲廟中夜有真人來呼居士曰授先天真訣遂往汾北麻衣山默坐二十一年移居平陽之姑射山洞山之虎狼皆馴服飲食給于奉道者或

旬月不至亦不炊爨少保于公謙巡撫晉豫時問將來
 休咎笑而不答謂弟子曰無結果卒如其言人有訪之
 者必先知輒避去太守胡睿叩之曰老農無所知也後
 三年成化甲辰三月十五日沐浴端坐書十勸文皆教
 人忠孝語書畢卧化頂上白光直上燭天顏面如生體
 不腐穢先是洞中有二石牀左右相對唐有得道者卧
 化塑其尸于左至居士亦卧化弟子塑其尸于右千百
 年若相待者是冬無雪胡太守禱于居士曰汝既尸解
 當不死願現神光降瑞雪否則死矣乃造洞未至三里
 許五色光自洞中出少頃斂如箕覆洞上已而還至山
 下陰雲四布抵城雪已瀰漫矣都御史王越撰記

尚青山

霍州人居朝陽洞有脫形之術常與平陽指揮
 錢姓者共坐任其所索瞋目間輒於袖中出之

無遠不致後解脫弟子塑其像於太清觀

大陳小陳

荷氏縣太清觀道人叔侄也得顛術踪跡
 詭秘人莫能測常于夏月碾麥戲語人曰

日烈甚宜入碾中避之遂啣碾開鑽入後雲遊鄉人於
 外輒遇之一日題詩壁間云蟠桃又報熟瑤殿瑤觴開
 阿母殷勤意披雲青鳥來止留空室莫知所往

任泣素

霍州人受業於尚青山解脫後人每於他處見
 之

高籙

荷氏縣高家梁人常於孤山採藥遇劉海蟾授長
 生訣坐卧一室寒暑不出後村人欲斃池忽出曰

此萬古利也當為若置石授人一鞭入山驅石若飛石
 至今存官聞之欲以妖治遂自擇牛眠入棺卒葬畢一
 夕妻子不知所在墓在村後一注水環而不侵室清雅
 有馨人不敢居

萬蓬頭

不知何許人亦不知其幾何年嘉靖時居蔭城
 東灘狼窩之佛窟質性安恬談論高古饋之食

不辭絕粒亦不處時往來蒲州諸大貴喜迎食焉精風
 鑑堪輿術言吉凶無不驗雖婦人孺子皆知尊禮稱為
 蓬頭師父云嘗過澗西王老人每食之師曰感厚意當
 以五十金報因指屋後地掘一井水泉大湧族眾以五

十金公買灌田至今井存王氏立祠肖像祀之一日告
人曰吾將遠行可泥封吾窰門數日啓視則不食不死
如故也他日又使加封固越數日復啓視則一無所有
咸以為仙去矣後有人于長安見之相勞問歡若平日
真異人也今蒲州大澗里侯家庄東溝亦有萬蓬頭洞
萬曆初相國張文毅公四維塑像祀之

崔真人 名孟傳襄陵北水關人幼喪親並無婚娶黃冠
野服隻身雲遊有五嶽為廬十洲為胸之意從

族兄授醫學得壺公妙術萬曆朝太后病篤真人應名
醫詔自簾孔引線候脈投劑立愈上賜官賜金不受遂
賜以真人號後於武當羽化自號朴菴

羽衣士 隰州雲峯觀道士不知姓名萬曆己酉入水簾
洞內四日出云至一深澗黑水滔滔不可得過

因返至一窩獲仙棋一具其色如玉字跡俱龍鳳鳥蛇
之形但覺身輕欲飛登千百尺石崖如履平地常坐樹
梢人莫能及絕谷不食年許語人曰吾遊名山竟去莫
知所往今石崖上器物尚存

楊攀桂 楊丹桂 蒲州義吉里人性好釋老家言年六
旬兄弟同隱終南山後其子屢饋扉

屨遂入深山不出樵採相傳以為二人皆逝去云又數
年鄉人於都中見丹桂貌如平生叙鄉曲情甚篤自言
在某寺為僧次日訪之並無其人自是不復知其所往

張神仙 不知何許人崇禎間至蒲州多與鄉大夫游尤
善侍郎張廣常主其家廣從孫繼善自外至張

撮土與之視之則白金也又嘗招諸縉紳飲肴核杯酌
几席僮僕皆出諸袖中竟日歡笑諸人皆得醉飽既畢
復納諸袖時士人某疑其偽術欲遣妓女亂之須臾隱
入壁中自是不知所往其後州人自川蜀來言其曾于
峨嵋山中見之計其時日正去之日也

無私真人 姓王名冲霍州人幼事黃老于霍之白龍觀
既而辟穀者六年遊汾過錠金原見其地為

西北孔道高燥絕水遂結容身菴取水于遠地以資行
人四方感召者輸銀粟無虛日不數年積千金有奇悉

出之鑿井建閣旁置可耕之地四十餘畝為施茶經久計一身之衣食弗謀也崇禎丙戌間入楚登武當福府廉知強留司其菴之錢穀一日集諸道流曰流寇將至請交所司時寇在河北眾莫之信三辭乃謝甫離菴四里許寇猝至諸菴盡遭屠戮冲仍歸于曩建汾右之茶菴屏諸徒擇一淳朴者囑理茶事閱數年崇禎辛巳二月諱其徒曰予于次月三日當棄世為予呼諸長者來其徒莫之信屆期諸長者以醮事畢集盥洗整冠履謁祀禮畢向諸人拜訣升榻端坐而逝容色數日如生按其時日果如所言是日申刻一老人自南來聞其事愕然曰今午刻團栢澗中束銅冠挑蒲團而南行者非其人也耶眾驚疑良久乃信其羽化云

國朝全仁

隰州蒿城里人俗姓李氏少年在祁真觀修煉受乃移坐瓦窰坡三年不語亦不履也服水三年復移坐洞山上苦煉身心不問世俗事焉

苟和簽

號鼎峯霍州辛四里人閉關清修茹菜飲水後訪道名山幾遍天下創建七真菴持修益勵於

順治十一年羽化异香繞室

成真智

岳陽人八十五歲鶴髮童顏順治十六年二月間諭二徒曰三月朔日吾當坐化汝可造一木樓裝葶至期菴內一聲嚮曉二徒趨視之氣絕端坐頂心裂開一道真神從此去矣二日後東來之人曰昨日于山中見真智道人曳杖而行

李真瑩

榮河人識字好古書禱雨輒應周身之外所餘悉濟貧人年八十無病而卒世以為羽化焉

秦凌霄

絳州泉掌鎮人父母俱早逝年二十歲叔兄為之娶室凌霄拜堂畢其夜忽逝去後於雲丘山學道性嗜靜嫌雲丘生徒繁囂徒隱於本州清溪洞修煉金丹敷施藥水四方有疾疫者服符無不立愈康熙三年重陽日於泉掌玉泉宮端坐而逝

皇甫孤峯子

萬泉綿城人先至北燕易水拜東峯子劉真人為師後信步遊于聖王山下同弟子

張智清王智亨等勅構山菴一所號曰雲霞洞張家莊其下院也菴前植栢林為景傍倚山谷為險耕田而食引泉而飲年七十七忽瞑目端坐越月餘而後逝卜宅兆安墓修墳于庵前西北崖下庵有誌銘

南北朝佛圖澄

西域人能役使鬼神左乳旁有一孔空徹腹內常塞一絮至夜欲誦經則拔乳旁絮

一室洞明或至水邊出腸洗之還復納之入中國卓錫于中條白石寺相傳炊粥無具寄米於屠牛釜中人嫌其染腥污臟澄廼出腸浴于泉至今泉上有血絲痕嘗畜一驢一貓食之即遣驢馱帖乞糧村坊貓踏驢背或有要奪者貓即投地變虎人莫敢近今貓驢塚猶存寺前為石勒尊禮預知劉曜之敗令童子潔齋七日取麻油合臘脂躬自研于掌中舉手示童子燦然有輝童子驚曰有軍馬甚眾見一人長大白皙以朱條縛其肘澄曰此即曜也勒甚悅遂赴洛拒曜生擒之後石虎亦甚致敬人謂虎性兇暴柰何近之澄曰人無機心海鷗可以相狎至末和四年謂弟子曰禍亂將萌石氏當滅吾追其未亂先從化矣遣人上書辭虎即鑿壙營墳而卒

麻衣僧

綿上人雲遊至紫巖山洞募建寶寺殿閣巍峩為一邑勝地所著有相書金鎖賦行於世至今

故洞旱禱輒應

梁誌公

聞喜縣南丘村有誌公寺內有石刻記南丘氏為僧者四十人相傳誌公避亂駐錫于此邑東侯村

又有梁武帝廟以為誌公念舊君而為之立廟今不可考

隋曇延

荷氏侯王卓之後周齊間延年十六有奇表身長九尺手垂過膝目光外射初聞講涅槃經悟旨遂

住河東棲巖寺詞辨優贍有薛居士者學總互儒聞而謁之言謹相高戲題方圓動靜四字命延體之延應聲曰方如方等城圓如智慧日動則識波浪靜類涅槃室薛驚歎曰由來所未見希世挺生即斯人也開皇間旱命延禱之甘雨大注墓祠在臨晉縣北二十里驄子村西荷氏志在古桑泉北二十里

神尼

名智山蒲坂劉氏女少出家有戒行沉靜寡言談成敗吉凶皆驗文帝誕日忽至名帝為那羅延且

曰兒不可處俗間遂割宅為般若寺將帝躬自撫養一日尼出付帝于其母母視帝頭忽出二角投之地尼心動急歸抱之曰何驚吾兒使晚得天下也及帝年七歲曰佛法將滅神明已西兒當大貴神來有日後周滅二教尼隱皇家戒行不改帝既踐祚重興佛法每以神尼為言歿後即葬寺中為起金浮屠又命王劭作傳以所居般若寺為大興國仍令天下舍利塔內各作神尼像

慧海

姓張氏虞鄉人曇延法師弟子也年十八便講涅槃文旨洞曉周武肆虐竄身入陳隋室既奠方踐京邑帝姊城安長公主欽其德望為立伽藍靜法寺以居之緘默自修唯道是務仁壽以前文帝頻顧璽書分布舍利每感異祥大業二年卒於本寺見高僧傳

唐智旻

智富

聞喜鐵牛峪僧唐太宗屯兵軍偶乏糧旻富請以沙鍋為食餉三軍無不飽足者太宗神異之後即位勅建廣教寺以報云

道慈

姓張氏虞鄉人曇延法師度為弟子荷擔陪隨遊栖宮闕晚住蒲州仁壽寺大業末因事返京夜停關首所投主人見慈馬壯勾外盜欲共竊之夜往其所乃見十人圍遶環甲執兵眾盜畏怖而退細覓不鬼又往趣之還見如初如是者五遂達天明知是神感乃合面歸懺焉逮貞觀中有請講涅槃者預知將終苦不受請人不測意乃告曰所以固辭者恐不終此席耳後果念經三日卒於山所年七十有五慈卒經夕忽有異花遶屍周匝披地涌出莖長二尺許色甚鮮榮折納餅中逾年猶不萎萃見高僧傳

靈潤

俗姓梁虞鄉人依靈樂法師住興善寺年十三初聽涅槃妙通文旨後聞泰岳靈巖寺僧規肅清四方是則乃杖策尋焉貞觀中與諸法侶登山遊觀野燒四合眾皆奔散惟潤安行如常顧語諸屬曰心外無火實自心謂火可逝無由免火及火至潤燔餘自歛後住弘福寺僕射房玄齡過之稱歎曰居宗揚化唯此一人也見高僧傳

空王佛

名志超陝之馮翊人也其先出榆次源澗里姓田氏生而不凡異香滿室方孩即喜禮佛年十

七父母為擇娶不納削髮披緇雲遊天下至五臺感一老人點悟曰後當佛矣回至介休華嚴寺講經修行良

久遷縣西滾鐘寺侍者摩斯供厨夜感一白兔用鐘取水日供不竭其後入綿山仙窟五龍聽法懸巖曉哨飛

度而過白鹿白兔紛然前導至抱腹巖中禪定崖開金字摩斯受記有青衣童子奉古佛舍利供養貞觀初亢

旱太宗禱雨不應占曰勝地仙居禪人處求長安父老向各名山尋禱及禪師師令拜侍者摩斯斯方淘米將

米汁向西少灑令急回曰今日長安霑足矣果應太宗乃詔師入長安不就知必復召遂瞑目而化御駕果至

巖麓興國寺知其已化請巖行禮時山霧昏昧善眾未審名號祝天顯示倏爾霧開恍見金字牌云空王古佛

太宗乃賜空王佛號詔塑金容駕回改興國寺名回鑿云其後歲旱禱雨輒應

楊羅漢 姓楊氏父任青州刺史母高好佛羅漢年二十至南嶽從大禪師數載了悟本源神通廣大飛

騰往來長安二年春見司空山有大虎十餘傷人盡降

伏之適河東路巡按使李景副使王求署與平陽太守

錢光演同遊玉兔觀遙見風穴山白光貫霄遇樵叟陳

文樵子李八兒問其故曰有一奇僧引十餘大虎頂放

白光召文等曰汝即回與李尚書王太傅錢太守說羅

漢要與公等相見使還報相與馳至其前瞻拜羅漢自

述始末復云聖道圓滿即當歸真吾身化後無復奢侈

焚修埋葬語畢端然奄逝因改為寺以奉祀之後至清

泰乙未歲正月十八日獵人郭遇郭欽王思蘊徐守元

見玉兔入于孔穴以鑿掘之既深見有庵門掩閉推而視之見金身如在

智興

趙城人修行終南山後師命渡河北棲于平陸中條山大通嶺結廬于上聚徒說法聲震長安睿宗

三召不至使人截其舌以進命焚之化為金舌夜哦經愈厲賜號金舌和尚

志寬 河東人博覽諸經以涅槃地論為心要時以邑多虎暴都督張遼命寬禱之患遂息貞觀中蒲晉早

寬曝烈日中須臾大雨合境沾澤

曇燧 襄陵縣人姓王父成母皇甫氏生于開元癸丑及長志樂出家禮鳳翔妙覺禪師實應元年至襄陵

崇山茅塞難通忽有二兔引徑而入遂於山巔起浮屠戒行精潔龍神聽講每遇旱禱雨立應廣德二年晉絳州守張光俊楊子宏表聞代宗賜寺額曰普救瓌慈濟

大師 慧涉 絳州人姓楊氏幼從知深出家日誦數千言遊方叩師無能難者嘗入秦寓麥積山石室造百法論

鈔致涸井泉應因是絕筆凡造鈔一十六卷至蜀以法

瘡術士妖猴還憇中條山竹林精舍造維摩搜微記畧

科般若心經鈔無常經直釋四分律科共二十六卷晚

歸絳衆為創菴屏絕世俗惟樂清靜將化預戒衆三分

其軀一投水中一擲郭外一隨煨燼勿塔勿銘以違佛

戒言已陞座奄然而逝後異香連日雅樂夜聞茶毘獲

舍利百餘粒色如黃金

宋旻師

稷山人姓邢氏幼不童遊長治儒術天才博瞻舉進士不第遂落髮受具後遍歷名山寓錫淮泗之

間鴻儒碩彥多與之遊目曰岸濱長老常食蔬茹衣鹿

皮又號鹿皮道者後遊姑射山終焉葬以茶毘惟舌根

不化瑩潤若玉詳見太原王宥記

懷炳 真定府西禪院僧先是唐開元十二年於蒲州鑄

鐵牛有八置黃河兩岸以維鉅絙為梁之綱宋嘉祐

八年秋河水大漲西岸之四皆沉于水浮梁俱壞都

水使者以炳素號智巧薦之于朝有旨令至蒲取沉水

之牛炳乃輦石駕舟自没于水得牛所在以長繩繫之增石轉機已出其三邦人有輕浮者流言謂其甚易乃止其一得牛而梁復成詔賜紫衣又耆舊云是役也有善泗者十人佐助其役師每書土字于十人之掌則入深淵如步平地視聽了然工不告勞卒至成辦十人皆剃度為僧師後卒于安濟院其徒甃塔覆之歷金元間薦經兵亂院塔廢絕遺身暴露風日曾無一髮之損左脅累足而卧宛然若生衆共異之復新院塔僧紹瞻有

鐵牛和尚記

南宋法敷

平陽人天資穎悟年十一從妙空大師出家十年盡師之道聽金剛經得玄旨嘗蒙賜紫衣天會六年住持本城天寧萬壽寺以金剛經演說曉覺大眾晚年屏絕世事坐一室數年不出戶闕端坐而逝

元智揖

曲沃人通三乘教尤明禪理至元初為絳州寂照院禪師戒律精嚴儀度整肅教風日盛歸依者愈眾杜門不出人或見其往來里巷多異之壽八十一終茶毘得舍利數百粒

廣裕

稷山人九歲從顯公和尚祝髮性敏慧隸講肆日記三千言年二十眾推為座元講說法要人服其精又九年得法于雲壽和尚融會經律論藏蔚為四眾所宗領眾住持四十年五易其處俱重加創建廣拓規模日有營造講論不輟值世祖設資戒大會師于文內說法默契上心賜以袈裟大德十一年示寂于金仙寺越七日顏色如生嗣其法者七十餘人塔墓于寺後詳見趙孟頫碑記

雄辨大師

洪洞縣師村里人姓范名洪源至元間出家其父母亡泣涕追修以掌為爐燃香千燧并涸跣跌水溢成河指喝波除仗符執咒以誅蛟刺血書幡而化鶴門徒受教者不勝數後雲遊真定深冀僖都潭沱兩岸多所創建忽於座間見異人像呼曰吾去矣遂卧化五色祥雲連宵不滅得舍利百十餘粒今實際寺有像詳見松菴老人石碣

丁八行者

稷山人初居甘泉佛窰洞與僧守志同創大閣塑大佛一尊高丈六三尺名佛閣寺即清涼院也

守志

姓趙氏文水人同修清涼院一心誦習經咒常有祥瑞感應云

明洪濟

猗氏靈巖寺僧有道行演通大小乘過金陵太祖登極前京師風雨彌旬帝不懌募有能止者師應詔杖錫一呪即便開朗帝大悅為之印經一藏給傳以歸化骨于本寺

金碧峯

襄陵聖壽寺僧嘗遊五臺後成正覺洪武初詔至關廷言論稱旨御製詩以賜之後還仍賜織

金袈裟

一襲佛經一函年逾七十而化

定山和尚

太平西賈里人俗姓彭名滿出家雲遊洪武十二年

圓鏡

臨汾人早悟諸經密旨嘗遊隰州妙樓山石室寺一日至北門瓦窰坎上鑿洞構菴龕坐其中燭其

徒曰大緣已竟吾將歸矣衆徒問其期曰明日午時次日沐浴更衣焚香跌坐說偈而化是夜洞聞木魚之聲

達連和尚

趙城人聰慧異常道行甚高正德間霍山上建琉璃塔一座重修廣勝上下二寺又建本

府高河橋一座

知未來事壽七十餘凝然端坐而逝

可良

徽州人嘉靖間住錫聞喜神栢村大雲寺有禪行眉覆過目面壁冥坐未嘗妄語曾早起遇盜于塗

呵一聲

而盜終日立不能去每遇天旱祈雨輒應平生

最喜營建

本縣南門外夏縣水頭鎮大石橋城隍五龍

廟俱係良募緣修理

絡頭和尚

遠方行脚僧也嘉靖間來垣曲縣歷山之南結茅菴清淨淡薄跣足蓬頭每出修路頭帶

一絡人

不識其名因呼為絡頭和尚時警塚村有明經

甯儒素

供養和尚一日育蚕弗登甯焚牒於玉皇廟訴

蚕神

作厲後數日甯忽昏仆地舉家驚駭扶掖床頭越

三日始甦

語家人曰冥君拘我至陰府與蚕神相質有

青衣使者

報冥君曰活佛至矣予視之乃絡頭和尚也

和尚語

冥君曰此人生平好善樂施若無大故可放還

冥君允遣

予還魂家人往視和尚是晨已坐化矣形色

如生卒年七十三歲

淨賢

垣曲縣謝村人嘉靖間落髮於興國寺斷葷受戒閉關養性足絕城市十年前預置木龕一座有僧

嘲曰爾欲

跌化乎賢不荅行年六十忽一日浴身淨口

端坐而逝

容色如生遺葬城北磚塔內石上有贊

無名僧

嘉靖間行脚住大寧縣西道家村主人房芝客寺中供養之給驢一頭令載水僧忽殺驢膏蒜

以食芝病焉弗為禮僧一日召芝留別芝不往僧乃拂案端坐而逝移時火出鼻中焚其殼芝始知為異人築龕座之

妙蓮 岳陽人年七十坐化

福登 號妙峯七歲祝髮依蒲坂萬固寺初不識經典苦行于中條讚嘆寺閉關立禪三年忽見未明禪師

聽講楞嚴即解悟文字無不通曉度海謁補陀回至五臺寺龍翻石刺舌血書華嚴一部修建無遮大會神宗

聞而嘉之賜繡冠繡袖移錫蘆芽造萬佛鐵塔鑿萬佛石洞峩嶺造銅殿二五臺一華山一俱莊嚴精妙太原

建浮屠于郡城左慈聖太后佐以金錢塔成雙峙名曰宣文後歸臺山並坐而逝羣鳥悲號異光匝地兩宮遣

中常侍賜祭葬勅封真正佛子護國禪師

賈和尚 岳陽人搥鈴募銅五年鑄成四佛一日坐化人咸夢空中笙簫迎去

國朝黃明立 俗竇氏乳名俏臨汾縣橋泊里人父洪晉母張氏夜夢鼓樂迎送菩薩至其家遂降生自幼言笑不苟舉止端莊能順父母心及笄于歸王默里

張問道為妻恭敬翁姑克盡婦道倏然感病醫療不愈還母家遂禮佛跏趺端坐迨二十一歲順治七年正月

二十五日自言得道八月十五日復言在神前考過受西方佛封黃明立菩薩至二十八日午時自言火光菩薩

薩太陽真火俱來相助屆期火光自七竅迸出焰高二丈餘有白蛾從火內飛出翩翩直上觀者數千人忽聞

空中樂聲異香三日不散里人建廟之日忽於南壁上生小栢樹數十株長二三寸許廟在汾河西泊莊鎮

太柄 俗姓張隰州人七歲披剃於經識大藏靡不通曉且精醫術有求必授不計資謝壽八十無病坐化

郡紳士民往弔者千餘比葬送者幾以萬計

寶峯 俗姓李大同軍籍中年出家于隰州北十里建慈愍菴矢志苦行修煉超衆壽八十一正襟危坐而

逝預知生死人稱得道焉

聖圓

俗姓胡法名道興陽州妙樓山石室僧也苦志焚修州人請居天寧寺以修廢振新為已任南遊登

定珍

絳州人住稷山縣坦然寺焚修參禪勤息苦行四十餘年于康熙二十八年坐化一號寶峯大士

寂張

榮河大覺寺僧生平與鼠鵲同食曾募金救人父子離散于康熙甲申歲臘月端坐而化人皆異之

平陽府志卷之二十八

方技

專家之業君子弗為為其近且小也伶工審音不得班

於后夔方士占驗豈容躋之羲仲無他道與藝別焉耳

然而事苟適用工之實難弄丸承蜩貫蝨斲堊未必技

進於道要皆由專得精史記扁倉有傳龜策有傳甚至

日者有傳藝事造微各名其家寧以近小也而忽之舊

乘之外頗多蒐輯作方技志

上古董父

黃帝裔孫左傳晉太史蔡墨曰昔鷹叔安有裔子曰父好龍能求其嗜欲飲食之龍多歸焉乃

擾蓄龍以服事帝舜帝賜姓董氏使豢龍封諸饒川饒川氏其後也所居地有陂澤多生蒲葦因名其里曰董澤成化壬辰冬池水裂血鱗如鑑蓋龍蛻也今澤傍尚多董姓澤在聞喜縣東四十里

夏劉累 堯之裔嘗學擾龍于豢龍氏帝孔甲獲二龍不能食累為飲食之帝嘉之賜氏曰御龍受豕韋之後一龍處潛醢以食帝帝饗之既而使求之懼遷于魯范氏其後也

醫緩 晉悼公病求醫秦伯使緩治之未至公夢二豎子之上汝居膏之下若我何緩至謂公曰疾不可為也也公曰良醫也厚禮而歸又春秋傳曰晉侯有病求醫于秦伯秦伯使醫和視之曰疾不可為也是謂近女室疾如蠱非鬼非食惑以喪志良臣將死天命不佑趙孟曰良醫也厚禮而歸之

公孫或 襄陵人與屯留崔懿之皆善相及見劉淵驚相謂曰此人形貌非常吾所未見也於是深相崇

敬推分結息後淵僭號果如所言

劉白墮 襄陵人善釀酒久曝日中味不變飲之不醒因名酒為白墮有賚入番劫盜飲之醉皆被擒又

名鶴觴

北齊王春 安邑人少精易占明陰陽風角齊神武帝引為館舍韓陵之戰四面受敵從寅至午三合三離將士皆懼神武將退春叩馬諫曰至未當大勝縛其子諸軍門不勝請斬之既而賊果大敗後征討占事多位東徐州刺史封安邑縣公

唐丘延翰 聞喜人永徽時有交名遊太山于石室中遇神人授玉經即海角經也洞曉陰陽依法并擇罔

有不吉開元中為縣人卜葬地理氣交見太史奏曰河東聞喜有天子氣朝廷忌之使斷所并山詔捕之大索弗獲詔原其罪詰闕陳陰陽之說以天機等書進呈秘以金函玉篆號八字天機拜亞大夫之官祀三仙祠

衛大經 解州人以文學聞不狎俗常閉門絕人事生而

解梁之野開元中天水姜師度奉詔鑿無鹹河以溉鹽

田剗室廬潰丘墓甚多解梁皆病之既至衛先生墓前

發其地得一石刻字以為銘蓋衛先生之詞也詞曰姜

師度更移南向三五步工人得之以狀言于師度師度

異其事嘆味之久顧謂僚吏曰衛先生奇士也即命工

人遷其河遠衛先生墓數十步焉今按衛先生没于開

元初姜師度河中府尹無鹹河即巫賢河由姚暹渠入

鹽池又名無鹽河

宋苗訓 河中人善天文占候之術周末以散指揮使從太

祖北征視日上復有一日久相摩盪指謂楚昭輔

曰此天命也後累官檢校工部尚書子守信知筭造乾

元曆累官至司天少監

張德明 襄陵人字顯道性不喜華麗精于醫常施于人

而尤急窮困故遠近求者無虛太原提刑种師

道來求醫隨診授藥即愈師道悅遂以朝廷所降妙應

大師勅旨與之以酬其勞

苗守信 訓之子知等造乾元美累官至司天少監

朱好古 襄陵人善畫山水與人物工巧宛然有生態與

同邑張茂卿楊雲瑞俱以畫名家人有得者若

拱壁號襄陵三畫

馬遠 其先河中人後居錢塘工山水人物花鳥種種臻

妙獨步畫院光寧兩朝授待詔子麟能世家學然

不逮父遠愛其子多于已畫上題作麟畫蓋欲麟得譽

故為畫院祇候

元田忠良 字正卿趙城人金山徙中山忠良好學通儒家

雜家言嘗識太保劉秉忠于微時秉忠薦于世

祖遣使召至帝視其狀貌步趨顧謂侍臣曰是雖以陰

陽家進必將為國用俄指西班牙第二人謂忠良曰彼手

中握何物對曰鷄卵也果然帝喜又曰朕有事縈心汝

試占之曰當是一名僧病耳帝曰然國師也遂送司天

臺給筆札令秉忠試星曆遁甲諸書諸生鮮有及者詔

官之司天帝曰朕用兵江南困于襄樊累年不決奈何

對曰在酉年矣至元十一年阿里海牙奏請率十萬衆渡江帝密問曰濟否曰濟帝獵於柳林侍臣甚衆顧忠良曰今拜一大將取江南朕心已定果何人也忠良環視日一人對曰是偉丈夫可屬大事帝笑曰此伯顏也汝識朕心賜鈔五百貫衣一襲中元夜白氣貫三臺帝問何祥曰三公其死乎未幾劉秉忠卒八月帝出獵駐輦召忠良曰朕有所遺汝知何物可復得否曰其數珠乎明日二十里外有人來獻已而果然帝喜賜以貂裘十月有旨問南征將士能渡江否奏曰正月當奏捷次年正月取鄂州伯顏遣使獻寶有玉香爐以賜忠良及金織文十疋二月帝不豫召問曰或言朕今歲不嘉汝術云何對曰聖體行自安矣三月果愈賜銀五百兩衣材三十疋五月帝清暑上都召之曰叛者浸入山陵久而不去汝與和禮霍孫率衆往視之既至山陵如故俄而叛兵大至圍之三匝三日不解忠良引衆夜歸敵殊不覺和禮霍孫以爲神白其事于帝賜黃金十兩諸所言事罔不奇驗十八年特命爲太常丞遷少卿二十九

年遷太常卿大德元年遷昭文館大學士中奉大夫恭太常太卿武宗卽位進榮祿大夫司徒賜銀印仁宗卽位又進光祿大夫領太常禮儀院事延祐四年卒年七十五贈太師追封趙國公謚忠獻

梁周泰 字白亨稷山人由儒醫元至正間授平陽路醫學教授子權孫叔東皆世其業邑人稱其有活人功子孫世躋科目爲邑望族

孫固 太平人號古真道人始誕時姑射山草木不生者三年長于儒術兼精閏法百工技藝無所不通人稱爲百會先生

明韓昌 洪洞人世以醫相傳德厚心慈醫不計貲人多重之時見推車者卧道憐之胗病知寒移煖屋藥之

汗愈及行資以粥米其人叩謝曰願公多壽生貴子洪武初避兵岳陽山中遇異人授秘術醫病不診視一見卽知生死遠方至者知爲某來藥之輒效有不可者教以預後事其言悉應時稱神醫孫肅七歲誤吞鐵釘舉

家皆憂昌曰無妨三年後釘當出他日且生貴子大吾
門後釘果從脇下出固無恙已乃生忠定公文官至戶
部尚書加太傅謚忠定贈昌如其官其言果驗且曾孫
三世甲第亦天之報厚德云

師敬謙 岳陽人遠望二羊觸水趨視之乃書二冊取回
密讀久而能騎轆軸騰空夜行一二千里後與

僕同騎轆軸赴揚州觀燈主僕相失僕被地方盤詰送
官審其來歷差向原籍拏謙謙行遇水遁去

馬繪 安邑人精陰陽術永樂七年以薦辟授禮科給事
中終欽天監監副

王侃 安邑人精陰陽術永樂七年以薦辟授永清縣知
縣終欽天監監正

仝寅 安邑人少瞽而性聰警學京房易占斷多奇中名
聞四方客遊大同明英皇北狩陰遣太監裴當問

之寅筮得乾之初九附奏曰龍君象也四初之應也龍
潛躍必以秋應以壬午浹歲而更龍變化之物也庚者
更也庚午秋車駕其還乎後七八年必復辟午火德之
正也丁者壬之合也其丁丑月壬寅日壬午乎既而也

先復入寇石亨召問休咎寅筮之曰無能為也且彼氣
已驕戰之必克果敗去及英皇還居南宮指揮盧忠上
變妄言請寅筮之寅以大義叱之曰是大凶兆忠大懼
佯為風狀後英皇復位授錦衣衛百戶子孫世襲石亨
有他志寅力止之尤為人所敬服

陳璉 字宗器稷山人由布政司都吏成化中欽除金吾
右衛親指揮使經歷封徵仕郎陞趙州判官璉傳
神如生繪山水諸科入神品子嶂孫旌能世其業

張英 臨汾人自幼穎悟不事師傅善書人物翎毛尤工
戲墨不類構而精神飛動號平水翁有編集書譜
行于世平陽知府樊瑩有溪山不減王摩詰臺閣無慚
董伯仁之句

張汝霖 號濟川猗氏杜村人初業儒後謝帖括專心岐
黃之術為名醫僧真淵嘗患暑汲井水沃顙濟
川見之曰一月之後將患頭痛不可忍當亟服藥僧不
聽月餘果頭痛坐卧無措乃求方于濟川濟川曰今始

求藥遲矣頭痛及年當自止但慮汝牙早落耳踰年齒
隕而頭痛愈又邑紳陳起登為諸生時患疾經年延濟
川診視曰若得變症傷寒則大愈無幾陳果變症患熱
疾增劇家人惶遽求濟川濟川備問寢息唾嗽狀曰可
勿藥有喜也家人以不下藥為疑濟川乃出一方示之
曰但令發汗疾即愈矣家人持歸人爭謂自濟川所得
奇方閱視之止數味無異尋常疑信者半及服之汗出
遂痊濟川尤精太素脉每决人死生壽夭無不中然不
肯輕言有求療治者必盡心調理之卒不計利人以此
益重之年九十三嘗隔歲預知死期謂其子孫曰吾於
某年月必死凡吾書未就者當速為補緝之於是口誦
若干卷令其子日錄之至藏書盈箱凡有殘缺者悉語
其子曰某卷某葉失幾字訛幾字校訂殆無遺漏其學
之邃博如此親友聞而駭之爭來觀濟川曰某年某月
吾必死親友愛我者當期前一日共至醵飲以盡平生
歡及期親友果聚濟川黃髮童顏扶杖徐步無恙也相
與笑語竟夕至次日令其子視棺衾設喪次因正衣冠
瞑目而逝卒年九十有四人爭異之相傳為仙去

翟師程

襄陵人為邑庠生情性孤峻心思工巧善書寫
不效前人之筆而自為一家更精畫龍虎山水
人物亦不由尋常蹊徑

楊棟

字世資蒲州人聰敏博覽撫育三兄之子孫尤精
醫靈寶何御史以童子致幃帳中以為女之有疾
者令診之察脉曰乃童男無病者因大奇歿後行醫于
河東運司識其面者訝曰此莫非蒲州之楊世資也耶
遂不復見芮城水門村翟炳一日詣蒲向藥室詢姓名
子叙曰乃故父也何以問及炳曰吾與爾父今月九日
言別有約相訪時有郭惟良輩詰其故炳曰某乃老醫
在吾村治病眾因驚疑其為神矣

王敷

聞喜人能詩弘治間以天文授欽天監臺官一時
名公相與唱和邑學士大夫無弗推重

藥三德

永和人苗之子也針灸神效忘仇活人

賀良爵

隰州人初為郡庠生煒煒有聲後慕道歸隱與
物無競州人咸重之其於星曆醫卜之術無所

不曉尤精於易凡人之吉凶得失爭往卜之尤著靈驗
明萬曆丁巳春夏亢暘爵登東山虔禱食不下咽衣不
解帶約七日而大雨滂沱二禾成熟常施藥餌符水救
人賴以全活者甚衆

楊文昭

字震寰蒲州諸生屢試不售隱於藝嘗以梅檀
作佛像宛如生人遊京師諸貴人多招致之楊

昂藏自負耻於干謁其所交皆一時名彥最著者則韓
少師爨呂尚書惟祺錢尚書謙益曹中丞于汴程布衣
嘉穉而於錢程稱莫逆今錢集約震寰遊吳程集中贈
蒲州楊生稱磊落奇男子者皆謂文昭也

楊炳

字文虎蒲州治城人精於醫決人生死不爽嘗以
事赴安邑途中向逆旅主人求宿旁有一少年識

之謂人曰此所傳神醫楊某也吾姑試之時少年方中
食卽從窻中躍入僵卧床上呻吟求炳救炳診視大驚
曰卽君殆將不起左右皆竊笑之是夕少年果死或問
其故曰腸已裂不復可治也其奇中多如此又其妻嘗
有娠炳診畢喜曰吾活人多矣是子必以科名顯後子
世增登辛丑進士歷官御史其後世率多冒醫者故州

人稱爲藥丸楊氏炳又曾治某藩旣愈賜金一笏亦稱
楊一笏焉崇禎間侍郎李爲立祠州城東門

國朝趙運興

榮河人生平不好紛囂清潔自守結茅屋一
間藝菊數種有淵明東籬之致通天文地理

望氣占風奇門六壬之數順治初山西巡按劉達私出
偶遇並行言我夜觀天象執法星北流達愕然康熙九
年七月間彗星見於西南人皆駭異問之曰此兵兆也
然分野掃楚地我晉無害十三年吳應琦犯長沙止及
於湖南而未及湖北其言果驗


曹鶴徵

絳縣人素性耿介取與不苟家饒偶遇異人授
以針法每日門聚百餘病愈毫不索謝遠來者

或贈以酒食貴介屢以金帛致謝堅弗受年九十八歲
面紅鬚白鶴髮童顏里中呼爲曹神仙

薛仁附

字清槐曲沃人性敏有博物之稱稍長治岐黃
業多奇驗



平陽府志

卷之二十一

十一

